



UNIVERSITÄTS-
BIBLIOTHEK
PADERBORN

Universitätsbibliothek Paderborn

Vitae Sanctorvm

complectens sanctos Mensium, Ivlivm Avgvstvm & Septembrem

Lippeloo, Zacharias

Coloniae Agrippinae, 1603

Vita Et Passio S. Charitonis præclari Confessoris: Ex ea quæ est per Metaphrasten. Claruit anno Dominici Natalis 276. & sequentibus sub Aureliano ac post eum Tacito, Probo ac cæter. Imperat.

urn:nbn:de:hbz:466:1-42728

VITA ET PASSIO S. CHARITONIS

Vide C. Ba-
ron. Tomo 2.
Annal. anno
279.

præclari Confessoris: Ex ea quæ est per Meta-
phrasten. Claruit anno Dominici Natalis 276.
& sequentibus sub Aureliano ac post eum Ta-
cito, Probo ac cæter. Imperat.

28. Septē.
Patria eius.

Præclara S.
Charitonis
confessio.

Gloriatur se
S. Teclæ dis-
cipulum Cha-
riton.

IN ciuitate Iconiensi Prouinciæ Lycaoniæ,
Chariton summus Christi cultor oriūsus,
egregium & planè admirandum edidit suæ
pietatis documentum. Cū enim Aurelianus,
qui tunc temporis sceptræ Romani administra-
bat Imperij, Christianum nomen inaudita cru-
delitate opprimeret, sæuisq; propositis edictis
terrore loca omnia cōpleret, inter alios Cha-
riton comprehensus, & ab impio Præfide de fi-
de ac religione interrogatus, tale ferè dedisse
responsum fertur. Tu quidem, ô Præses ferro
flammaque Christianos persequeris, & alios
quidem inani timore prostratos in fugam ver-
tis, alios fidei armis præclare instructos in car-
cerem abripis, & immani cruciatu conficis: sed
prius quam ego spreto summo Deo & Christo
Iesu Saluatore meo, (prò scelus) scelestis & in-
uidis demonibus supplex fio, eccè tibi hoc cor-
pus olidum utiq; & periturum, ad quæuis sup-
plicia intrepidus trado. Nam de patria, de re-
ligione, de nomine, quod quæris, nemo est qui
non nouit me hac in ciuitate primas obtinere.
Sed hæc parui faciens, in eo potiùs glorior, me
Teclæ esse discipulum; quæ instar lucidissimi
fideris martyrij splendoribus hac in ciuitate
resplendet: & Pauli magni præconis veritatis;
qui ipsam quoque ad certamina pro Christo
subeunda instruxit, adornauitque. Et ideo ego
quo-

quoque eodem cum Apostolo hodie dico: Quis me separabit à charitate Dei? Tribulatio, an angustia, an persecutio, an periculum, an gladius?

Roman. 8.

His ad iram motus Præses, confestim iubet sanctum veste nudatum, quatuorque in partes extensum, nervis crudeliter verberari. Eo aliquamdiu fatigatum supplicio rursus interrogat Iudex; Sacrificasne, ô Chariton, diis immortalibus, an vis tuo corpori plures inferri plagas? Cui martyr: Non, inquit, eis sacrifico. Quinimò, si fieri posset, vel millies vitam hanc in supplicijs pro Christi nomine abijcere paratus sum. His auditis, verbera multiplicata sunt, tanta crudelitate, ut viscera sanctissimi martyris horrendo hiatu paterent. Indè humeris tortorum in carcerem abreptus, secundæ fuit quæstioni reservatus. Et quidem blanditijs alternis minisque quin & atrocioribus quàm prius cruciatibus, ad labefactandam eius constantiam adhibitis, cum oleum pariter & operam se perdere intelligeret Iudex, iussit de-nudò ferro vinctum in custodiam tradi.

Ceditur S.
Martyr.

Egrègia
martyris cō-
stantia.

Interea impio Imperatore Aureliano è vita sublato, meritisque pœnis, ut omnium erat opinio, propter nimiam in Christianos sævitiam à iusto Iudice Deo affecto, * alius, qui & in Imperio successit, fama clementiæ regni sui fundamēta stabilire volens, edicta crudelitatis sustulit, & Christianos omnes è vinculis incolu-mes abire iussit. Tunc verò Chariton, multis magnisque martyrij certaminib. inclytus, ut per-septa in suo corpore Christi stigmata ad extre-mam vitæ spiritum conseruaret, ad sanctam civita-

Mortuo Au-
reliano im-
peratore,
Christiani
libertate
potiuntur.
* Is fuit X.
civitas.

Yyy

tem

*S. Chariton
Hierosoly-
mam iturus,
incidit in la-
trones.*

tem abire constituit. Iter igitur magno cū gau-
dio ingressus, mox in latrones humani sangui-
nis non minus quā pecuniæ avidos incidit:
qui eum ferro crudelissimè vinctum ad spelū-
cam suam veluti prædam quandā opimam ab-
duxerunt. Ibi eo ferreis vndique nexibus con-
stricto relictō, illi rursus ad alias atq; alias po-
pulabundi se prædas contulerunt. Christi verò
martyr, totus ad preces & gratiarum conuer-
sus actiones, incredibili exultabat gaudio,
quod ijs molestijs propter Christum afficere-
tur. Cumque latabundus multa secum de infi-
nita Christi bonitate volueret, ecce vipera è
latibulis in vas quoddam vino plenum proser-
pens, seseq; ad satietatem ingurgitans, pro be-
neficio, vt ingratorum est consuetudo, malefi-
cium reddēs, potum pestifero veneno infecit,
protinusque recessit. Redeunt interea ad spe-
luncam latrones, vt furore ebrij, ita extrema
penè siti confecti. Nec mora: Auidi ad merum
certatim conuolant; hauriunt; mortemque ad
vnum omnes pariter oppetunt.

*Latrones
veneno diui-
nitatis extin-
guuntur.*

*Chariton o-
mnes eorum
prædas possi-
det.*

Ibi tunc solus planè Chariton relictus, quod
reliquum erat, precibus & lachrymis se Chri-
sto commendare vinctus pergit. Nec deseruit
precantem Christus: sed mox disruptis vinculis
eum & speluncæ possessorem, & pecuniarum
omnium, quas nefarij homines ex prædis, rapi-
nis, & cædibus illic congefferant, ex asse fecit
hæredem. Quid igitur? Chariton admirabili
Dei bonitate & prouidentia stupefactus, ante
omnia ingentem auri argentiq; vim pauperi-
bus & pauperibus in solitudine degentibus di-
stribuit: reliquas opes ad nouā Lauræ fabricā
appli-

applicat. Ipsa verò spelunca latronum, in Ec-
clesiam conuersa, diuinis ibidem operibus in-
sistens, res adeò admirandas gerebat, vt pluri-
mi Iudæi pariter & gentiles ad eum cõfluerent
eiusque salutarem doctrinam auidè excipe-
rent. Factum est igitur studio illius & vigi-
lantia, vt Laura sacris quotidie militibus im-
pleretur, quos monasticis imbuebat discipli-
nis, imbutosq; deinde Præfecto committebat.
Itaque Laura illa & discipulorum numero,
& cælesti disciplina optimè instituta, ipse qui-
etis ac solitudinis cupidus, itinere diei vnus
ad Hierichūtinas partes vno comitatus disci-
pulo migravit. Ibi herbis solis iucundè victi-
tans, gratum inprimis Deo, nec hominibus in-
utile præstabat obsequium. Nam fama miracu-
lorum eius longè lateque vagante, magnus in-
dies hominum coeptus est fieri cõcursus: pror-
sus vt ibi quoque egregio pietatis domicilio
cõstituto, rursus ad aliam solitudinis partem,
quatuordecim plus minùs stadijs a Thecoorum
regione distantem, commigrare debuerit: ne
gratissima quies penit⁹ illi interiret. Quanquã
nè hic quoque eadem (ob turbas ad ipsum ven-
titantes) perfrui licuit. Collecta itaq; processu
temporis & ibidem haud exigua fratrum con-
gregatione, aliã quoque ædificat Lauram: quæ
Syriacè Suca, Græcè verò vetus nuncupatur.
Cui cum de spiritali patre prouidisset vir diui-
nus, tota mente in cælo degens, vt vltimum
vitæ suæ actum in sola cælestium considera-
tione exigeret, postremò speluncam quan-
dam in præcipiti & prærupto monte sitam
non longè ab hac Laura distantem conscendit:

Yyy 2 cui,

Construit
Lauram.Pharum nũ-
cupatam.

Item templũ

Antiqua Ec-
clesia nomi-
natum.Iudæos &
Gentiles mul-
tos cõuertit.Commigrat
aliò.Secundam
Lauram ædi-
ficat: & rur-
sus aliò mi-
grat.Tertiã L. æ-
ram ædifi-
cat: Suca dicta.

*Adit spelun-
cam.*

*Impetrat
fontem suis
precibus.*

*Pelliciter
obit S. Cha-
riton.*

cui, ab eo quod non nisi scalis ad illam ascen-
sus esset, Cremastos, id est, pensilis, nomen in-
ditum fuit. Ibi cum in omni virtutum exerci-
tatione ætatem penè confecisset, iamque viri-
bus destitutus sibi ipsi ministrando idoneus non
esset, ne cui molestiam inferret, pariterque so-
litudinis dulcedinem amitteret, precibus à
Deo è dura silice fontem impetrauit.

Tandem verò ubi foelix illud diuque deside-
ratum æternæ beatitudinis iter sibi instare co-
gnouit, è spelunca descendens, in sacram Lau-
ram, cui nomen Pharam, ubi primos certami-
nis sui distillauit sudores, venit: eoque cunctis
discipulis conuocatis, luculentum sanè plane-
que diuinum instituit sermonem; hortatusque
omnes ad præsentem certaminis cursum stre-
nuè viriliterque perficiendum, lætus in manus
Creatoris animam efflauit.

*Vide C. Ba-
ron. Notat.
ad Martyr.
Rom. hoc die
8. Maij:
ubi de a-
lijs differit
factis reue-
lationibus.
29. Septē.*

*Ecclesia S.
Michaelis ab
ipso condita.*

DE SOLENNITATE S. MICHAELIS
Archangeli. Ex ijs quæ sunt apud V.P. Laur.
Sur. ex Doctorum Homiliario.

MEMORIAM beati Michaelis Archan-
geli toto orbe venerandam haud im-
meritò Christi colunt fideles, quod is
sæpiùs hominibus apparuisse, & sacrorum li-
brorum auctoritate, & veteri Sanctorum tra-
ditione comprobatur. Declarat hoc inter alia
multa ipsius & opere condita, & nomine con-
secrata ecclesia; quam è cælo veniens, in Gar-
gano monte, vili quidem schemate, sed cælesti
præditam virtute, propria manu condere di-
gnatus est. Quæ qua ratione hominibus inno-
tuerit,